

江
西
詩
徵

江西詩徵卷二十八

南城曾煥賓谷編輯

元

揭傒斯

傒斯字曼碩龍興富州人延祐初薦授翰林國史院編修官累進翰林侍講學士至正初詔修宋遼金三史爲總裁官卒追封豫章郡公諡文安有秋

宜集

按隆興富州卽今南昌豐城

南康夜泊聞廬阜鐘聲

廬山三百寺何處扣屑雲宿鳥月中起歸人湖上聞入空
應更迥近瀑正難分遙想諸僧定香爐上夕熏

病夜

素壁深窗獨客身
桃枝薑勝只爲鄰
極慚供給煩賢友
尚恐傳聞及老親
葢響戒寒相應起
燭花連夜爲誰新
多情造物真豪縱
盡力相驅病與貧

寄題馮掾東臯園亭

時雨散繁綠
緒風滿平原
興言慕君子
退食在邱園
出應當世務
入詠幽人言
池流澹無聲
畦蔬蔚蔥芊
高林麗陽景
羣山若浮烟
好鳥應候鳴
新音和且閑
時與文士俱
消搖農圃間
理達自知簡
情忘可避喧
庶云保貞和
歲莫委周旋

何郎失鏡詞

團團如月不曾虧家人親置枕中時朝朝將正頭上幘時
時携鑷鬢邊絲古文宛轉何人造失來始覺今難討街頭
不值半緡錢古銅終較今銅好向人不敢再三尋客裏空
疑同舍心萬里相隨一朝別夜夜還瞻天上月

曉出順承門有懷太虛

步出城南門悵望江南路前日風雪中故人從此去

京城閑居雜言

朝從獵城南莫從獵城北白馬喻飛翰輕裘如膏澤塵起
知獸駭風高驗鳥跡雙箭落雙鷺千金出俄刻歸來拜恩
寵樂飲過一石僮奴增意氣賓客改顏色常恐文法士輕
薄多瑕摘高門臨廣衢秋風上荆棘

朔土高且厚民生勁而彊榆柳雖弱質生植益繁昌桃李
大於拳棗栗充餽糴誰謂苦寒地百物莫得傷青青雲夢
竹宿昔傲雪霜移植於此庭不如芥與楊竹性豈有改繇
來非本鄉

眇眇寒門士客遊燕薊城上無公卿故下無舊友朋裘褐
不自蔽藿食空營營四顧裁沴餘但聞號哭聲日負道德
懿敢懷軒冕榮節食慎所欲聊以厚我生

高步覽九州誰獨無與親同室不相喻矧彼途路人誘誚
更驅迫巧詐日眩真共美爲善樂莫知與善鄰未足保厥
躬已謂貽子孫一言易爲義一言恩爲仁世無魯東叟何
以慰心神

題桃源圖 並序

江左龍虎山南十里有桃源者劉王二尊師所辟也臨江范亨父爲之記余爲賦五言詩十七韻

桃源非一處龍虎畫難同內外關踰鐵高低石作叢黃旂
青劍北紫蓋白雲東蟾影當霄迴蛾眉抱月弓
名六峰千重

藏曲折四面削虛空地戶吟風黑天池浴日紅雪霜翻濺
瀑雷雨瀉崩洪暗識猿啼遠晴聞鳥語工危龕三井秘絕
澗九橋通江合仙巖怒山連鬼谷雄劉王開闢後秦晉有
無中時兄看桃侶頻逢採藥翁丹臺塞漠漠琳宇氣熊熊
濟勝非無具緣源恐莫窮烟霞俄變滅草樹杳龍蔥四序
何勞誌羣愚儻擊蒙誰言武陵近十里上清宮

送王畱守宣慰荆湖

舟楫連檣出薊邱，弓刀千騎入荊州。
歌翻郢雪寒膺變，恩逐岷波日夜流。
雲雨臙連神女宅，山川晴繞仲宣樓。
豈無賢士堪招隱，應向鹿門深處求。

寒夜作

疎星東霜空流月，溼林薄虛館人不眠。
時聞一葉落。

進士張于高得邛州判官歸成都

邛竹山前負弩迎，去年曾是一書生。
天寒劍閣猶車馬，雪滿繩橋正甲兵。
卽恐徵求民力竭，莫將憂患客心并。
六千餘里關河路，不盡深期遠別情。

曹將軍下槽馬圖

昔霸畫馬真是馬宛頸相摩槽檻下卓犖權奇果如此豈
有世上無知者朱絲不是凡馬韁天閑十二皆龍驤曾從
天子平四方畫圖彷彿餘驪黃華山之陽春草長

趙孝子

廬陵趙孝子四歲父行賈一去三十年家惟大母母大母
已云沒而父行不歸兒長亦有婦母子聊相依從父自北
來汝父久已死母子哭相問父死何鄉里聞汝父死時不
知汝父處汝但欲往問京師多舊故再拜別阿母行行至
京師自念不見父兒死無歸時乃有會長者往昔與父善
言汝父死處濱州利津縣徒跣二千里薄言至利津朱琪
張文輩一一陳所因死以某年月葬以某木棺姓名某所

題近在城南端城南塚纍纍翳然榛莽中極目千萬塚誰
能識其蹤行哭七日餘欲死不得所生者無由知死者豈
能語解髮繫馬鞍負之墳墳過吾父儻有知髮解鞍自墮
俄至一墳前鞍墮髮自解開墳見前和題字宛猶在既見
父姓名痛絕心始安前骨陳野祭禽鳥聲爲酸鄰老四而
來驚歎未曾有相帥報縣官縣官駭之久卽日上大府大
府咸異之次第聞中朝行子正南馳行子行且傷哭踴如
初喪路遙山川阻何時至故鄉故鄉旣云至葬祭無遲禮
母子永不離萬事若流水聞者盡稱孝見者皆感泣期爾
百世昌望爾百祿集兒今一無願願母長不老歲歲父墳
前灑飯墳上草

賦得吳歌送人歸吳中

三月酒如澠高堂絲竹停繡筵雙鳳影珠箔亂鶯聲疊
紅牙拍辭傳金縷名綵雲低不度芳塵暗自驚花發長洲
苑日照闔閭城且奉千金壽寧忘萬里情

題邢先輩西壁山水圖

邢家蒼蒼西屋壁萬壑千峰動寒色大江忽轉天地迴浮
雲孤飛日月白參差樓觀照林紅松檜淒迷起朔風崑崙
蓬萊不可期赤城白帝遙相通賤子平生尚奇偉南極衡
湘北幽冀復從大駕卜灤京始識邢君多意氣君昔扈從
戎馬間少壯不知行路難月明飲馬長城窟雪深射虎祁
連山萬里歸來太平日坐我江山百憂失平明萬騎出天

門又駕官車就行役

過族姪

東面雲山有草堂下臨池水卽滄浪
草侵古道莓苔滑花壓頽垣薜荔香
每訪所親皆異物始驚爲客久殊鄉
仲容兄弟賢相映更爲吾宗足感傷

飲張氏別墅

楚國多賢俊張家好弟兄出門湖水碧
畱客野堂清微雨鳴疎竹寒烟覆古城
園人隔畦晤歲莫此中行

夏五月武昌舟中觸目

雨霽背立鳴雙櫓短蓑開合滄江雨
青山如龍入雲去白髮何人竝沙語
船頭放歌船尾和篷上雨鳴篷下坐
推篷

不省是何鄉但見雙雙白鷗過

黃尊師高軒觀鵝因畱宿

開軒南嶽下世事未曾聞落葉常疑雨方池半是雲
偶尋騎鶴侶來此看鵝羣一夜潺湲裏秋光得細分

衡山縣曉渡

古縣依江次輕輿落岸隈鳥衡行客過山向野船開
近嶽皆雲氣中流忽雨來何時還到此明月照沿洄

別武昌

欲歸常恨遲將行反愁遽殘年念骨肉久客多親故
佇立望江波江波正東注

山莊晚立有懷舍姪沆督穫臨川

蔽蔽黃桑葉蒼蒼白竹峰居人爭野碓歸客背邨鐘路暗
緣溪濕山寒著霧濃阿咸收稻未辛苦闕相從

高郵城

高郵城城何長城上種麥城下種桑昔日鐵不如今爲耕
種場但願千萬年盡四海外爲封疆桑陰陰麥茫茫終古
不用城與隍

送譚仲章歸長沙

君家雲陽下忽向雲陽歸行路有南北看山無是非三湘
迴鴈盡孤劍白虹飛亦欲投簪去從君采蘋薇

和傅與礪

近日何多念頻年不肖還河流無故道春色是他山裴兒

看雲凭衡門，月關無情。寒與暑偏解，鑄衰顏。

送李掾自北回歸省長沙因簡趙宣慰張徵士呂宗

二判官

萬里風沙斷三湘，日夜流名成親白首。歲莫客扁舟，黃鵠
延歸思。丹楓替別愁，眼穿迴處鴈心靜。狎餘鷗，細雨黃陵
廟殘陽。杜若洲漸深，桑梓敬翻畏友朋。畱送遠，慚羈旅。臨
分憶舊遊，鐘聲衡岳曙。帆影洞庭秋，風壤通蠻徼。煙霞拂
帝邱，交歌明月市。傾旆壓雲樓，訪菊逢徵士。行瓜識故侯，
爲言憔悴客，敝盡黑貂裘。

泊安慶時再北遊

夜泊淮西郡，寒生客子衣。酒家臨岸閉，野燒映江飛。雲盡

月初出潮平風漸微前年城下路此際正南歸

史館獨坐

地夏天逾近風高午尚寒
虛庭松子落欹檻菊花乾
撫卷俱千古憂時有萬端
寂寥麟父筆才薄欲辭官

祖生詩

浦城孝子身姓祖自憐性命如糞土
生纔五歲遭亂離有母更被官軍虜
零丁二十八春秋母縱得生何處求天地
茫茫明月恨江山漠漠白雲愁
忽得母書驚母在看書未盡淚
先流書云流落河南縣河南蹋遍無由見
唐州境上忽相逢白髮蕭蕭霜滿面
誰知喜極情轉悲傍人更問初別時
千生萬死到今日始爲母子東南歸
東南迢迢閩山

路入門猶記階前樹居人傳說盡相看雞黍提攜竟朝莫
祖生母子真可憐少壯別離老大還同時鄉井被兵者幾
人骨肉能生全願生母子長壽考四海昇平永相保

燕氏救兄詩

千金之子不死市楚人竟殺陶朱子生者可殺死可生千
金爲重骨肉輕誰爲平陽有燕氏傾家乃出而兄死弟再
有兄兄見弟里閭驚嗟官吏喜嗚呼安得天下之吏廉且
循庶政如水無冤民

李宮人琵琶引

並序

鄆縣亢主簿言有李宮人者善琵琶至元十九年
以良家子入宮得幸上比之昭君至大中入事興

聖宮比以足疾乃得賜歸侍母給內俸如故因亢
且乞詩於余余感其事遂作李宮人琵琶引其辭
曰

茫茫青塚春風裏歲歲春風吹不起傳得琵琶馬上聲古
今只有王與李李氏昔在至元中少小辭家來入宮一見
世皇稱藝絕珠歌翠舞忽如空君王豈爲紅顏惜自是衆
人彈不得玉觴爲舉樂仁停一曲便覺千金直廣寒殿裏
月流輝太液池頭花發時舊曲半存猶解譜新聲萬變總
相宜三十六年如一日長得君王賜顏色形容漸改病相
尋獨抱琵琶空歎息興聖宮中愛更深承恩始得遂歸心
時時尚被宮中召強理琵琶絃上音琵琶轉調聲轉澀堂

上慈親還佇立回看舊賜滿牀頭落花飛絮春風急

歸舟

汀洲春草徧風雨獨歸時大舸中流下青山兩岸移鴉啼
木郎廟人祭水神祠波浪爭掀舞艱難久自知

題嚴陵獨釣圖

何事元纁入里閭羊裘暫脫就安車空令太史驚同寢猶
把狂奴視報書一出聊爲天子重諸公莫道故人疎朝廷
自足中興士且放桐江著老獻

重餞李九時毅賦得南樓月

娟娟臨古戍晃晃辭烟樹寒通雲夢深白映蒼祠莫胡牀
看逾近楚酒愁難駐鴈背欲成霜林梢初泣露故人明夜

泊相望定何處且照東湖歸行送歸舟去

出三洪峽

積水羣山裏行舟亂石間地偏疑隔世峽怒欲藏關獨鳥啼深樹斜陽下急灘千憂逢一快未覺此生辱

和歐陽南陽月夜思

月出照中園鄰家猶未眠不嫌風露冷看到樹陰圓
天清照逾近夜久月將遠牆東雙白楊秋聲隔窗滿

女兒浦歌

女兒浦前湖水流女兒浦前過湖舟湖中日日多風浪湖
邊人人還白頭

大孤山前女兒灣大孤山下浪如山山前日日風和雨山

下舟船自往還

送黃五舅得武陵校官還辰州寓居省侍

寧上山頭種禾黍莫向他鄉作羈旅山田得雨尚有年他鄉顛顛何人憐一身千里家何在全家更在沅湘外獨樹雞鳴楓葉飛荒邨鴈沒蘆花碎親在窮邊望子還子在長途衣履單居無寸田出無僕明年作官當食祿

貧交行

驅車涉廣川揚帆陟崇邱結交四海內中道多愆尤朔風厲苦節獨鶴橫九州朝過三島樹夕過五城樓兩翅偶寒影曠然何所求登高臨大江日莫萬里流時哉疎鑿人八年忘外畱出必益稷俱歸與夔龍儔進退兩不疑功成垂

千秋萬事日相攷，恩情若雲浮。吾心苟不渝，反覆安足仇。
自非天地外，何能獨忘憂。

春日雜言

羃歷楊柳枝，蒙茸春草齊。天天誰家婦，采桑臨路岐。零露
沾其裳，蛛絲卷其衣。樹高身苦弱，蠶飢行復遲。辛苦事姑
嫜，宿昔減容輝。見者皆歎息，此心知獨誰。良人日莫至，醉
問爾何爲。

五歲能讀書，十歲能賦詩。十五事遠遊，三十無所爲。旣乖
俯仰責，復爲鄰里欺。生計日已疎，世態多瑕疵。皇皇金張
門，徒隸皆光輝。日晏賓客集，軒車如風馳。一笑擲千金，片
言委黃泥。齊生獨抱瑟，來往何逶迤。

春莫閑居寄城西程漢翁十五韻

迢迢層城阿峨峨鳳凰山下有隱淪
土能爲淮漢言兩日一寓音五日一承顏
每談經濟事恒及亂離間言辭多忼
慨文字少凋殘不歎東逝川但憶南山田
寧與無心遊不受衆目憐褰衣必峻嶸
散步亦名園舒卷信在襟蕭寂固所安
經春倦疾瘳撫時增懦孱羣書亂藥裹
高臥掩荆關蹇余屬久要朝詣常莫還
醜劣媿高情焉知君所歡日出衆鳥語
蒼岑滿樓端巾章寫深誼謫薄何由宣

長風沙夜泊

長風沙風沙不斷行人嗟行人嗟奈君何
南風正高北風起大船初灣小船喜移船
更近大船頭不獨風沙夜可憂

但祝行人好心事長江何處是安流茅屋參差數株柳時
平尚置官軍守青裙老嫗詫鮮魚白髮殘兵賣私酒魚賤
可買酒可沽他人心事知何如

楊柳青謠

楊柳青青河水黃河流兩岸葦籬長河東女嫁河西郎河
西燒燭河東光日日相迎葦檐下朝朝相送葦籬傍河邊
病叟長回首送兒北去還南走昨日臨清賣葦回今日販
魚桃花口連年水旱更無蠶丁力夫徭百不堪惟有河邊
守墳墓數株高樹曉相參

送馬雍古御史撫喻河西

我皇屬憂顧君子得安居孟春風且寒遺予以修途四牡

何翩翩迴首睇神都我懷正紆鬱散爾忽已踰積雪被長
轡萎者何時蘇歸彼蓮花峰上出浮雲帶白日瞰以縣下
視若元墟烟塵起西北原野無定株行者中顧懷居者念
其廬黃河洶東流乃自崑崙渠四海豈不曠切若肌與膚
親賢遠譏人古以致康娛君子誠多才乃用在馳驅秦隴
阻關塞歲月浩已徂鞠躬盡明義足爲世所模

送周山人之遼東

物變風已暄庭虛雪猶在每與君子違偏驚歲年改名山
先夢到靈藥隨方采明日望行人雲槎隔遼海

贈別曾編修歸廬陵葬學士兄

孟冬涼風厲謁告歸廬陵阿兄在九原歲莫豈遑寧兄昔

事武皇海內希英聲意氣動人主文采何縱橫時事一朝
異長揖去躬耕令弟紹芳猷策足在承明如何奄忽間南
北隔死生方舟發京國日落煙霧青萬感緣中來惕焉如
有懲羈臣戀魏闕一夕魂九升君子恩義重況此骨肉情
情深不可忘悠悠道路長山川日夕改我行殊未央稍出
燕冀都已涉齊魯疆高天圍四野悵望但茫茫道傍多古
墳塋域遞相當荒草吹北風日夕下牛羊不知何代人於
此閔興亡自古既有死誰獨免摧傷死者雖所同私懷詎
能已途路有感傷况吾兄與弟世俗日衰謝常懼莫能起
生者忽若遺誰復哀其死念昔賢哲人一一去爲鬼詩書
捐篋笥采采當路予揆藻厠明庭幸與君子同朝在弱冠

年已獲承其風家本聖門後孝友世所隆何意手足親一
別曠音容及我南歸日舟楫復相從噉噉寒日高冥冥厲
征鴻落帆滄江際渺然忽西東努力慎所託無爲謾勞躬
送涂雲章訪舊武昌却入京師

垂雲屬驚風萬里摩高圓蟠泥鼓巨浪豈顧九重淵毛生
入楚庭穎脫俄頃粲粲一公子長笑起邱樊朝辭豫章
臺莫過匡廬山大帆割鸚鵡極目空波瀾黃鵠錦袍仙吹
笙紫霞端相顧一笑粲青春滿南天黃金築高臺更覺郭
隗賢聯翩樂劇輩相逐入幽燕平明九門開劔佩踰五千
豈無一字薦傾倒平生言東風杏花開待我薊門前

小孤山曉發和蔡思敬韻

日落霞明錦浪翻
厓傾石峭白雲閑
乾坤上下雄孤柱
巴蜀東南壯此關
神物夜移風動地
仙舟曉渡月漫山
回瞻絕頂登臨處
空翠溟濛杳靄間

歌風臺和李提舉韻

萬乘東歸火德開
漢皇曾此宴高臺
沛中父老謳歌入
海內英雄倒載回
湯沐空餘清泗在
風雲猶似翠華來
穹碑立斷蒼煙上
靜閱人間幾劫灰

送詹尊師歸廬山

香爐峰色紫生煙
一入京華路杳然
雲碓秋閑春藥水
雨犁春臥種芝田
書憑海鶴來時寄
劔自潭蛟去後懸
忽報歸期驚倦客
獨淹微祿負中年

送李都事赴湖廣省幕

堂堂李通甫起家掌邦憲直氣橫九秋神明激雷電再登
蘭臺上愛國心靡轉時當至治末有位日競戰崩騰五華
山鑿翠起臺殿執筆佐御史力諫明且辨斧鑕已在前獨
立目不暇駁尋國多故災異周八埏君復贊宣政赤手握
銓選守法踰天官反得官長怨我皇奮江漢撥亂啓天眷
乾坤再開闢日月重昭絢磊落收羣材疎戚共登薦君名
一朝起亦作丞相掾丹心益傾竭婉畫勤替獻好惡古難
同禍福巧相禪天子憂南紀蕃宣必時彥下逮曹屬微簡
選亦精練君得南省佐聞者盡驚羨偃僂辭闕庭飄搖出
幾旬餞送盈路衢懇欵陳志願去年天下旱窮蹙無貴賤

賑卹當及時本末須竝見方春農事興不廢乃爲善又聞
南中賊憑陵及州縣黎獠本吾民撫綏在方面恩信足以
懷逼迫使生變况我聖天子轍迹昔所徧勗哉籌策良無
使空蹂踐京城雨初過草樹鬱蔥蒨喬木多蚤鶯高堂有
新燕煩辭君勿誚君歌我其抃

寄題傳尊師兄弟所作寧壽道院

鍾榮之山千萬峰琵琶塵湖相疊重兩翁入谷起臺殿半
夜空山聞鼓鐘猛虎如逢澗邊石飛龍却是雲間松黃庭
書罷人難見鴻寶披殘手自封度壑采芝隨鹿迹登厓望
日躡雲蹤已知塵世惟堪笑不是神人定少逢辟穀有方
桃更美聞碁無地橘相容但餘一念封人祝未與人間萬

事慵

奉送全平章赴江西

聖主思南土，明公起集賢。直期凋瘵後，共致太平年。金虎分符重，文龍賜服鮮。權綱兼將相，標格近神仙。天地三江外，星辰北極邊。丹心齊出處，素志在陶甄。請述江南事，都非大德前。但邀扶弱美，竟坐抑強偏。無復同憂樂，徒令舞智權。平疇吹渤澥，暗室伏戈鋌。貪黷明相訓，忠良默自憐。民心隨日壞，世態與時遷。況復兵饑接，仍聞病癘纏。誅求殊未已，蝨賊轉相挺。若擬寬憂顧，先須解倒懸。久飢寧擇食，多病但求痊。一語堪懲勸，微機足轉旋。已知平似水，更道直於弦。遙想聞公至，渾如望歲然。九重天上別，百丈霧

中牽日月明金節山河入畫船四方初息馬五月正鳴蟬
豐樂田多黍生香樂有蓮岱宗標魯地廬嶽壓湖水怪
收崩浪山靈埽瘴煙歡呼麟鳳出踴躍吏民先笳鼓趨雄
鎮旌旗覆廣川下車和氣應袖手頌聲延膏雨侵淮甸仁
風扇海壖忠貞真世篤調變有家傳赤子皆同體蒼生且
息肩龔黃須警策方召在蕃宣

寄題張齊公廟

東安猛將張齊公十八奪父軍囚中至元召募起亡命父
子南伐收奇功酒酣一躍馬上立拔劒四顧犇雷風十年
轉戰江漢上萬里直挽安南弓乾清坤夷四海一勲在旂
常心帝室身封萬戶傳子孫誓不偷生汙天秩天下豐盛

大德年天子明聖宰相賢小臣劉深射功利上疏自薦能
開邊鬼方寡婦號八百嫂叔操戈自爭國劉深一言取大
官達帥官軍陵險阨五溪運糧數萬家哭聲震動湖南北
發徒開道徑折節旣勤其民大求索斗量金珠谷量馬谿
壑之欲安可塞此時張公亦在行捐軀力諫皆莫克折節
薄險伏四起劉深夜遁張公死鳥飛不度山川愁坐看英
雄化爲鬼乃知自古守邊鄙大忌邀功貴寧救張公廟食
東海頭劉深梟首蠻烟裏張公世爲忠孝門劉深萬年穢
青史兩家同死不同心試與題詩作臣軌

番陽蕭性淵攜其祖將領所愛唐琴號霜鐘者還自
和林求詩六月三日五門宣赦後作

嵩州昔有蕭將軍讀書學劍天下聞南隨龍馬渡江去尚有孤琴傳子孫孤琴云是唐人斲昔日軍中自行樂至今猶存殺伐聲一鼓哀風振寥廓將軍之孫才且良文能作賦武蹴張秦皇城下飲白馬祁連山中射白狼時平好文不好武抱琴却歎儒衣誤昭王臺上看青春彭郎磯頭夢歸路日長史館幽且閑正冠拂琴爲我彈京城六月日如火霜鐘半夜鳴空山南風自有虞廷操可惜同心不同調捐琴決眼望青天今日天門有新詔

寄題武寬則湖山堂

祝融九千七百丈六月飛霜灑洞庭攸興學者武寬則石鼓齋中窮六經氣橫瀟湘波浪白思入嵩華煙雲青四千

餘里到京國倒插五色鳳凰翎河西猛將今太尉一見握
手坐廣庭立呼愛子俾受業豈獨汝學我亦聽猿肩虎頭
日侍側長刀大劒羅青熒動陳忠義破肝膽衆目睽睽開
心扁丈夫乖遇豈偶爾縱不我聽我則寧嗟予官冷材力
薄每辱奇俊哀鈴屨天晴風靜輒過我如病得瘥醉得醒
不爲湖山勞夢寐不爲富貴疲心形始知卓識出天性豈
彼狗苟蠅營營方今夔臯滿廊廟洪恩屢降無濫刑長材
用世何不可大夫列卿如拾瑩君如得位立行志慎勿學
我空星星我今老矣何所稱白雲深谷寒煙汀

夢題墨梅

霜空冥冥江水莫江上梅花千萬樹無端折得一枝歸一

雙蝴蝶相隨飛

送聶太祝赴潮州錄事聶天歷潛邸舊人

三載從容禮樂間，糾曹新拜度梅關。
春風忽過金陵道，夜月重經黃木灣。
賊盜數州相應起，甲兵諸道幾時還。
憑君細講安民策，莫遣邊防一日閑。

不寐呈何太虛

隙月斜倚壁窗風，細著人飄零。
知命晚牢落夢家頻，斷鴈何曾定鳴籬。
不月晨何郎詩句好，萬里獨相親。

憶昨

天歷年中秘閣開，授經新拜育羣材。
宮中待漏嘗先到，講席收書每後回。
召試時蒙天語勞，分題不待侍臣催。
滿頭

白雪丹心在太液池邊只獨來

宮草蔥茸禁樹齊日趨延顥對凝暉朝迎步輦花間立莫
送回鑾柳下歸碧殿東浮蒼巘合金河北引玉泉肥幾回
宏慶門前路春氣濛濛欲濕衣

乙乙羣儒映壁奎端陽侍燕寶慈西線分學士親臣送詩
賜皇姑御手題注酒含春瑤露重承塵轉午錦雲低日斜
共出西門道旣醉猶能散馬蹄

奎章分署隔窗紗不斷香風別殿花畱守日頒中賜果宣
徽月送上供茶諸生講罷仍番直學士吟成每自誇五載
光陰如過客九疑無處望重華

趙道士山水圖

悄悄寒山晚，淒淒迷野水。
昏長橋通古寺，小艇背衡門。
路盡雙松上，雲生亂石根。
如行南嶽莫，遙見祝融尊。

送人之淮東

扁舟何處客，此地飽經過。
彭蠡江聲合，揚州月色多。
天低知近海，地闊欲橫河。
自是吾生拙，如君定若何。

贈吳主一 并序

曹南吳主一，妙年力學能文章。
尤工隸書，近自豫章以職事至京師。
過予劇談竟日，忘去忽以別告，令人惘然。
詩以奉送。

國朝分隸誰最長，趙虞姚蕭范與楊。
趙公溫溫蔡中郎，虞公格格由鍾梁。
姚蕭二公撼中邦，豈以筆法窺漢唐。
蕭守

高尚姚文章范公清邁不敢當縱橫石經元老蒼楊侯起
家自洛陽華山之碑早擅場旁出捷入無畱藏曹南吳氏
俊且良古意颺颺浮筐箱商盤周鼎儼作行刊圭削銳伏
景光宜伸而縮圓使方外若椎魯中堅強趨新驚巧紛披
猖欲辨輒止心孔傷金陵皇象劒戟張中山夏丞鼎獨扛
二碑分法古所藏隸多分少須精詳君方妙年進莫量更
入二篆君無雙近者吾甥有陳岡昔師楊氏今頡頏見之
爲道安毋忘

登祝融峰贈星上人

洞庭南桂嶺北衡山連延瀟湘黑中有祝融如髻鬟嵯峨
七十二峰間祝融不自知千山萬山如迴環迴環面面芙

蓉裏儼如天仙朝紫皇千官百辟遙相望半夜每瞻東海
日六月常飛滿樹霜龍拏鳳攬熊虎擲雲生霧滅何時極
我來正值太平時况有山僧似疇昔憑高一覽四海空草
間培塿安足雄盤盤羅漢臺翕翕炎帝宮復恐九天上視
我如井中朔風日夜相騰蹙谷老崖堅松柏禿古來鐵瓦
盡飄揚山上至今猶板屋山僧勸我歌我歌徒自傷天下
五岳嵩中央此山與我俱南疆我今三十始一見北望中
原天更長

硯山詩并序

山石出靈壁其大不盈尺高半之中隔絕澗前後
五十五峰東南有飛磴橫出方平可二寸許鑿以

爲硯號曰硯山在唐已有名後歸於李後主主亡
歸於宋米芾元章刻其下述所由來甚詳宋之季
歸於天台戴運使覺民後又歸其族人宰相賈似
道求之弗與攜持兵亂間寢處與俱乃獲全大都
太乙崇福宮張真人本戴氏子今年春貽書得之
請予賦詩其辭曰

何年靈壁一拳石五十五峰不盈尺峰峰相向如削鐵祝
融紫蓋前後列東南一泓尤可愛白晝元雲生靈靄在唐
已著羣玉賦入宋更受元章拜天台瀕洞雲海連戴氏藏
之餘百年護持不涖權貴手離亂獨與身俱全帝旁真人
乘紫霞尺書招之若還家陰崖洞壑寒飴飴宛轉細路通

褰斜崑崙蓬萊與方壺坐臥相對神仙居硬黃從寫黃庭
帖汗青或抄鴻寶書秦淮咽咽金陵道此物幸不隨秋草
願君谷神長不老淨几明窗永相保

望葛市有懷故人盧子儀以附他舟不得上岸相見
予往赴主一書院時盧實送予至長沙今經其里不
一造門能無憾乎至樊口作

順流無風江更急歲暮歸人浩難繫所思只隔江上邨亂
樹參差不容入憶昨扁舟溯雲夢觸熱千里能相送我來
悵望竟空還一樽知是何年共樊山蒼蒼赤壁莫武昌對
岸黃州路連聲大笑櫓如飛回頭獨送孤雲去

大駕既還獨候驛傳未得和陳真人見示

供奉闕山遠淹留日月長鄉書迷楚越鄰笛亂伊涼秋水
流成字晴雲去作行寸心懸帳殿應似鴈隨陽

廬山連尊師求真陽詩久諾而未作也一夕夢中得
之因書以贈

稽天之浸不可滅焦石之烈不可絕香鑪峰頭按羽節滿
山桃花滿湖月

十月十八日夜南郊齋宿夢先帝召見便殿手賜橘
花一枝有感而作

淚盡烏號不可攀傳宣忽降白雲間天華拜舞君王賜夢
斷齋廬月滿壇

大信晚泊呈舟中諸公

千家楊柳江當門東梁西梁兩岸蹲連檣大艦集日昏攬
金伐鼓海上聞小江更出采石後前人立功後人守大信
花采石酒陌上相逢莫回首

題陳所翁雙龍圖

愛龍畫壁元淵開萬物顛倒隨雲雷龍公被髮向空下身
是真龍非畫者鐵作鬚鬚玉作鱗電出兩目雲繞身偶然
會合此何處仰面向天天不嗔世閒眩轉空形影倏忽變
化那能肖高僧說法夜來聽誰道相逢非夢境牛斗蒼蒼
風雨暮泉阿豈識延平路當時縱無雷煥與張華未必終
藏不飛去

陽信可

信可清江人延祐初以能詩見知於盧疎齋與吳

艸廬友善有手編鐘鼎古韻

按信可失其名據顧嗣立元詩選四集收

入

和揭曼碩兼懷武昌名勝

親友日已疎江漢日已深孤雲懷海嶠倦翮思長林終然
念所知沿流動悲吟豈無後日期邈若隔千岑安得好風
來泠然入中襟日與親友會微言自規箴

和盧子儀寄懷盧肅政上巴陵王侯

人生有知遇永懷不可忘俯視萬丈淵仰睇千仞岡青山
何其高江水空自長忽憶石梁叟別我半載強昨者從湘
中歲晏歸朔方孤舟渡淮水遺歌滿滄浪迢迢天際雲青

青陌上桑

次韻酬呂文學

後會未可必前路轉多山
雞鳴發孤館蒼涼雲樹間
俯視清溪流仰睇高鳥還
念此別離情南山正孱顏

鹿角站阻風

風送洞庭沙維舟隱荻花
水枯魚上簞秋老燕移家
日暮長河急天寒去路賒
故鄉三十驛歸夢繞天涯

奉別存初郎中臨湘月下泛舟

西風吹老白蘋洲天上郎星月
下游過雁影沉湘水碧斷猿聲
入楚山秋歌翻白苧猗蘭泣夢落黃陵
帝子愁夜半鐘聲天曉角猶疑身在鳳池頭

望池州作

黃蘆瑟瑟草油油樓閣參差瞰碧流
萬里長江秋色遠一帆斜月過池州

歐陽元

元字原功號圭齋其先世家廬陵曾祖始遷居瀏陽
延祐二年進士官至翰林學士承旨卒贈大司徒柱國
楚國公諡文有圭齋集

送振先宗丈歸祖庭

歐公孫子多擎派以爲四暮年歸潁陰非無首邱志乞洪
不得請由是懈歸計攷公生平言亦頗憾先世先世多才
賢生適逢五季輻員政分裂盡瘁于所事竟乏垂世名蓋

亦限地勢况復公少孤坎壈蜀漢裔身當混一秋代逢承
平際擇里審所安寔邇輦轂地子孫託畿內宦轍亦云易
人情苟免爾公豈溺聲利詎知返簾移南北尋睽異一枝
先南邁司造有深意沙溪標德里瀧岡重塋祭至今青原
冢十世祀不替振先吾宗英守正恥怙愆閭閻保家法處
約不少懃嘉樹無粵枝嘉穀無滯穗原本旣不几時需諒
無棄矧今掄俊髦往往論根器老夫辭冊府多病久憔悴
徒懷薦士心言莫足軒輕賦詩當推轂自愧辭已費憧憧
青雲友誰如古人誼

和李溉之舞姬脫鞋吟

宮袍繡蹙金花綺紅綃緊觀雙鷺尾盈盈漫服舞腰輕綵

雲飛處香風起藕絲掣斷春雲鬆瑞蓮雙結並頭紅天天
曲曲玉彎卷翠鳬翔空迷近遠玉階秀苗蘭筍長瓊砂迸
出蘆芽淺徘徊困倚東風力濕砌香雲墜無跡無限嬌羞
不自持君王喚起扶花立

題紫微老人大字歌

紫微老人射生手挽強竟取黃金斗驃騎營中拜驍勇鳳
凰池上稱耆舊時平腕力無所施筋骨猶能學顏柳縱橫
戎略結構體殺活兵機屈伸肘山莊劉氏得最多當日襟
褸駐應久高樓大扁曰明遠況有愛山并尚友我來後公
五十年主人酌我樓中酒平田野水鳬雁集重岡複嶺蛟
龍走登高欲賦乏佳興忽覩台躔照窗牖家藏有此希世

珍取酒當爲主人壽想當洗研發筆時羽管生風劍龍吼
焉知今人正傳玩名與麒麟同不朽嶠南黽黽十五秋老
將如今安得有鄂公九原如可作養壽清商爲公奏

所性姪家藏東坡看竹圖

銀燭高燒照豔粧繁華過眼已相忘敲門自愛看修竹未
必殷勤爲海棠

至元壬午十一月十三日祭初祖墓

白髮甘泉忝從官歸來曳履上吟壇故山虎豹多文采白
水蛟螭有屈蟠謁客及門容履滿贊文盈篋借燈看百年
首墓償初志心憶先親已痛難

昌山

昌山峽口日西斜
蘭渚維舟近酒家
水漱樹根龍露爪
石排江岸虎交牙
路迴佛寺藏深塢
風動漁舟掃落花
再拜靈均獻蘋藻
月明環佩下汀沙

早飲聽秋居士園池

碧池流水綠潺潺
高下樓臺紫翠間
阮籍才華勝南族
謝安清致滿東山
標名花塢鶯爭道
集句桃符鹿守關
灑掃園丁今白髮
秋翁化鶴幾時還

爲所性姪題小景

林廬澹疎烟歸帆泊沙渚
披圖得空闊總是經行處
寒屋茅簷古疎烟野樹春
遙遙濟川者應是此中人
浦口歸帆落沙頭
行客回林間酒旗出
快著一篇來

竹澗圖

青林翠巘俯江郊，谷口湍流巨石均。
戛玉萬竿鳴水樂，垂紳雙瀑盪雲旂。
風漪靜浸蒼龍影，月瀨光搖紫鳳巢。
歌罷商巖採芝曲，兩翁翰墨定神交。

過洞庭

白沙隱隱見金鼇，殿閣憑虛結構牢。
天水渾融浮太極，神人幽顯隔秋毫。
龍堂深閟靈棲冷，象緯低垂客枕高。
欲作廟堂迎送曲，杜紅蘅碧盡離騷。

夜宿寺前農家

漢南旅店已星稀，倦宿田家帶落暉。
蕭寺依山聊復爾，鄴侯送酒是耶非。
風餐并覺烹生飯，露坐俄驚月在衣。
老子

漫遊吾漫送登山臨水澹忘歸

賜經筵官酒次蘇伯修韻

鼇極天初補娥池月已修
鮮飈生廣廈清旭映垂旒
玉漏聰無壅重瞻視不流
凝神心燕翼虛已納鴻猷
章撤金鑪炮筵收玉斚
浮甘泉歸步遠太液便程
優鸚鵡棲宮樹鵲鵲避客
舟商者茂漢幣瀛儔膳唐
羞名輩應相語明時豈
易酬徘徊西掖晚雁影度
延秋

題所貴姪梅

老樹縱橫出幾條一枝還
又亞牆腰西湖湖上掀篷
看一夜吹香滿六橋

漫題

鈴索無聲玉漏稀青綾夜直月侵扉五更一覺梅花夢催
得江南學士歸

高宗御書

君王不受辟寒釵永巷泥金進損齋欲上太清樓下石啼
鴉落日滿宮槐

陳搏睡圖

陳橋一夜柘袍黃天下都無鼾睡牀贏得墜驢閑老子爲
君眠斷白雲鄉

武三思雙陸圖

上陽無子局方闌又到乘龍第一盤餅餤未來聊樂耳郎
君好好點籌看

京城雜詠

玉堂集日列金羈學士新兼祭酒時五百書生發講遍八
磚花影最來遲

麗正門當千步街九重深處五雲開
雞人三唱萬官集應制須迎學士來

白玉堂前夜合花
高高綠樹散朱霞
朝來如見唐人畫
繫著誰家白鼻騮

龍笙鳳管舞輕盈
步障看花滿
城行到瓊林春更好
新來進士唱名聲

鼇山宴罷月溶溶
太液池邊湛露濃
不用金蓮送歸院
水晶宮出玉芙蓉

京城走馬聽晨鐘我亦宵征僕與慵却憶江南春睡小
樓欹枕聽村春

奉詔修書白玉堂朝朝騎馬傍宮牆
河東畔垂楊柳時有鴛聲似故鄉

逢江易藝芳千賦芳洲

楊柳垂垂拂釣磯平沙雨過綠生衣
王孫鬪草歸來晚撲漉鴛鴦帶水飛

題山莊所藏東坡畫古木圖

眉山昔日生三蘇一山草木爲之枯
後來筆端挾春腴邦令生意回枯株
樹經公筆無老醜天以春工付公手
誰云輩行龍眠翁奚必效嗣洋州守
山莊劉氏富清玩家有蘇

公舊抑翰恍驚溼蘚粘怪石慣見倒根生斷岸涪翁對此
煮春茶爲公梢上挂長蛇燈窗細讀假山記秀氣終屬眉
山家

詠春閨怨

東風園林花草香芳閨寂寞春晝長佳人獨守情默默銀
牀錦被閑鴛鴦終朝倦繡拈針指怕向花前聽鶯語喚回
舊事千萬端杏臉蛾眉淚如雨玉郎去年辭家時綠楊紅
杏嬌春暉綠楊紅杏色如舊悵望玉郎猶未歸一春魚雁
音書絕雪膚消瘦千腸結斷腸獨立幾黃昏那更青山苦
號鵲

贈畫工黎仲瑾

號碧山

吾聞其宏之忠裂金石精氣千年化爲碧人生賴有方寸
妙萬變神奇從此出又聞西方梵僧名法能令兩眼碧
色晶熒熒有時肘後灑墨汁纖穠疎秀皆成形碧山盡欲
入神品表裏神光碧瞳炯浮嵐暖翠山不受盡付晴窗落
泓影碧山學士今爲誰玉堂茆舍各有時煩君添我山下
屋更看白雲相陸離

道吳山

道吳山頭目龍臥壘嶂重岡深紫邏靈湫瀑布千丈長古
寺神杉十圍大崇祠坎坎風雨來樵徑丁丁鴻雁過郡人
夜望北斗魁下有突兀青蓮座

大圍山

大圍山高高幾許絕頂嵯峨戴林塢石隙花開自春夏地
鱸僧擁無寒暑清流白鴈滌毛距綠樹黃熊引筋脅山腰
日午嬰兒唬知有雷公出行雨

題捕魚圖

太湖三萬六千頃靈槎倒壓青天影大魚吹浪高如山小
魚卷鬣爲龍盤羣魚聯腴伐桴鼓勢同三軍戰强虜長網
大罟三百尺攔截中流若環堵吳王宮中宴未闌銀絲斫
膾飛龍鸞大官八珍奉公子猩猩頰脣鯉魚尾洞庭木落
天南秋黃蘆滿天飛白鷗江頭吹笛喚漁舟與君大醉岳
陽樓

大明殿早朝

扶搖萬里上青霄鳳闕龍池步步瑤馳背負琛金絡索象
身備駕玉逍遙衣冠俯伏傳呼嶽干羽低回看舞韶湖海
布衣瞻盛事他時田野夢天朝

歐陽公牡丹詩

盛游西洛方年少晚樂漁樵號醉翁白首歸來玉堂署君
王殿後見鞞紅

許晉孫

晉孫字伯昭建昌人吳艸廬門人與危太樸曾子
白友善延祐二年進士官茶陵州判官謝病歸有
遺稿

棲霞洞

仙李巖前問大還碧沙瑤草水潺潺虎隨客去春尋藥龍
作人來夜叩關八桂月華連五嶺七星雲竇接三山洞天
說有飛昇處只隔雲烟縹緲間

七星閣

點蒼何蒼蒼環以西洱河百年雨露恩詎敢煩天戈轅門
振烏撒衣帶踰牂牁巨險久已夷故關尚坡陀云胡七星
名亦復垂不磨君侯詩書帥文武用不頗藩垣俟重臨民
夷賴漸摩中天揭斗柄三辰行大羅因之戍關傳永世同
南訛

祝蕃

蕃字蕃遠一字直清貴溪人陳靜明門人質直明

義論事無所回忌延祐四年鄉舉官潯州路經歷
同知以事繫藤州卒有詩文集

下第南歸別俞伯貞

驅車出東門別酒忽在手去國古所悲况復失良友
芄芄邱中麥鬱鬱道傍柳揮手從此辭烟雲黯回首

卽席和貫學士月氏王頭飲器歌

單于寶刀寒映雪月氏髑髏飲冤血泥丸真人辭絳宮
麴生時能醉其骨閼氏夜帳蒲萄香拍拍春霞灩秋月
賢王起舞谷蠡歌傳飲歡呼兩耳熱燈前人影半闌殘
燈後青燐已明滅持杯爲尔澆嶙峋胡爲對此傷精魂
有虵猶能致我疾智瑤豈是無心人頭顱如此當速朽
生擒誤入仇

家手忍將鳴鏑射頭曼吁嗟降王爾何有後來漢使渚水東猶待畱犁澆盟酒

南北風歌

南船順水還順風高帆疾過如飛鴻北船逆風還逆水百丈牽江纜數里南船揮手謝北船不須腸斷南風前自緣行色有南北未必天心偏順逆明日南風換北風北船却與南船同

送沈宏道歸湖州

不到湖州今十年幾迴夢繞白鷗邊牟姚二老風流盡文趙諸公甲第連頗覺筋骸非往昔已拚文字讓時賢沈郎歸去如相問爲說晴江有釣船

多景樓

鐵甕城邊暮倚樓西風吹鬢冷颼颼淮山滿眼英雄盡江
水無情日夜流
匝岸萬家烟市暝插天雙石海門秋平生
無限登臨興看盡南來北去舟

二畫

斷岸蒼烟喬木小橋野店村舂一曲晚風樵唱愴然林下
相逢

疊嶂半空懸瀑平林隔岸層臺風雨一川煙浪扁舟何處
歸來

漱霖

霖新喻人延祐四年鄉舉官袁州府教授

秋江送張東橋

分袂江之滸長歌壯此行文光奎壁爛劍氣斗牛橫霜信
報寒驛風笳鳴古城高帆隨日上畫旆颭波清綠酒有餘
味黃花無限情逢人書便寄莫誤雁來程

黃常

常字仲綱本姓毛樂平人延祐五年進士歷判梧
州以博雅偉望假禮部侍郎使安南世子長揖受
詔常責之亟拜稱謝後以討八撒刺不花功遷江
西行省參知政事卒

使安南卻金

奉使安南駐薛林漫勞國主餽兼金不憂薏苡能興謗自

是夷齊不易心

張昕

昕字子東鄱陽人延祐初任韶州路推官

喜白髮爲師復作

白髮人皆惡惟君獨喜之衝冠危立雪垂領亂成絲柱下
藏周典山中采漢芝紛紛綠鬢者能與若人期

次韻賦靈壁眞仙石

玉質孕坤靈眞仙小幻形光芒浮赤墜標格出青冥闔世
今猶昔看人醉復醒點頭如有意笑我鬢星星

海石

來白珊瑚鐵網邊濕光長是帶蛟涎形奇定出帝女日色

藉疑經力士鞭鞭兀峰巒低映日嵌空竇穴曲通泉太湖
靈壁俱塵土得近幽人几案前

登金山

紫金千仞鬱崔巍四面驚濤捲雪堆屹立中流天柱壯高
標雙石海門開江淮今古幾分合日月東西自往來一覽
衆山皆崕嶮不知身世是蓬萊

贈廣亮二上人遊錢塘

忽逢二朗別怱怱遙指吳關是去蹤振錫潮頭回白馬繙
經潭上起蒼龍天邊鐘磬東西寺雲裏樓臺南北峰禮遍
名山卻回首古藤雙檜翠重重

得錢塘故人消息

西子湖邊放鶴僊，幾回同醉木蘭船。
相思東路一千里，憶別西風十四年。
遠信有時憑雁寄，新詩近日賴僧傳。
不須更問垂綸客，已有霜痕到鬢邊。

分題賦蘭溪送楊知州之任

兩道清溪繞郭門，遙知候吏出紛紛。
蕭蕭五馬嘶汀月，獵獵雙旌拂岸雲。
春渚暖浮蘭茝氣，曉波晴漾潏羅紋。
西風掛席乘潮去，更聽州人說使君。

題捕魚圖

闊網深罾淺處叉，江湖渾欲捲魚蝦。
青衿緇撮誰家子，也向西風立岸沙。

侯主立

玉立字世玉哲篤兄其先回紇人以龍興籍登延祐五年進士第授翰林待制累遷湖廣道僉事海北海南道廉訪使

絳守居園池

并序

乙酉之秋七月既望余自河中讞獄還司過絳登守居園池昔日亭墅悉已埋沒獨洄澗亭花萼堂復構以還舊觀流泉蓮沼猶仍故焉堤柳陰翳逕花鮮妍庭竹數竿清風泠然有塵外之思卽事賦

詩曰

絳邑舊名藩牧守優鴻儒逶迤山水中曠達園池居雄并歷晉魏揖讓隆唐虞世遠民俗漓訟劇古道疎環列多館

墅莽蒼變邱墟慘惻歲年深牢落兵燼餘洄漣復亭構花
萼懸堂虛被袂引流觴賓筵聞鼓竽錦香綬逕溪琅玕繞
庭除公暇寡接交遊觀足清娛緬懷前哲人冠蓋秉釣樞
遺愛勒琬琰清風生坐隅卉木均雨露藪澤樂禽魚端來
濯塵纓詠歌登舞雩夕陽明翠巘秋色淡紅葉鄉關動離
思雲煙隔荒蕪繡斧倦行羈霜日烈修途故園有松菊盍
川還舊舍

登德風亭詩

潞郡古黎國歷韓分晉陽右顧帶河汾左揖絳太行高阜
俯四下風氣殊勁剛道路闔修阻山嶽互低昂州治列方
中有亭跨崇岡羣飛炫華構迢遞矚大荒猶如滄海珠羣

龍護其傍雲烟恣吞吐巖谷發幽光城堞戕前陳冠蓋來
相望匪唯壯遊觀庶保斯民康孰奏南薰琴于彼君子堂
春風偃露草夜月照屋梁持節眺所臨酷暑生清涼俯仰
陳迹異對景多慨慷

遊晉溪

訪古晉祠山曉集汾水橋星河沒慘淡野色見平遙樹鳥
啼冥冥塗馬鳴蕭蕭游車接飛蓋駕言修禊朝荒城忽已
迥遠嶠如相招振衣投林邱汜露離塵囂澗壑聳綠檜原
隰散紅桃敞殿羅幢旛虛庭雜牲醪逶迤廣寒宮獻酬瑤
池臯境勝地亦靈心悅神自超法鼓青山巔仙家白雲標
極留不可暫鶴暖天風高

敬題范文正公所書伯夷頌卷尾

文正千年士精忠凜不亡
勲名山岳重翰墨日星光
喬木參天古幽蘭壘砌芳
我來拜祠下端欲濯滄浪

清源洞

洞府神仙去不還
清源紫帽聳高寒
泉南佛國幾千界
閭海蓬萊第一山
夜月鳳簫聲隱隱
秋風鶴珮聽珊珊
瑤池豈隔塵寰路
更扣危岑最上關

吉州道中

雪嶺雲岡望吉州
霜飛玉潔炫凝眸
黃堂屢聽鳴琴者
萬斛冰泉瀉碧秋

行盡高山涉水涯
仙家縹渺隔明霞
揚鞭笑指桃源路
不

川扁舟溯落花

羅漢峯

羅漢山攢翠作堆半空天柱擁如來九霄人立青雲上笑
指曇花一樹閒

江西詩微卷二十八